


TEZAUUR LITURGIC

19 MARTIE

SLUJBA SF. CNEAGHINE SOFIA OLELKOVICI DE LA SLUȚK



MINEIUL PE MARTIE
MOSCOVA



Ме́сяца ма́рта в 19-день
Святы́я пра́ведныя Софи́и,
княги́ни Слу́цкия
НА ВЕЛИ́ЦЕЙ ВЕЧЕ́РНИ

Блаже́н муж: 1-й антифо́н.

На Го́споди, воззва́х: стихи́ры, глас 8:

Богоблаже́нная честна́я княги́не Софи́е,/ мило́вание ко и́скреннему/ и любо́вь яже к Бо́гу стяжа́ла еси́,/ сего́ ра́ди благода́ть Бо́жия/ оби́льно на тебе́, ма́ти, пребы́сть.// Те́мже моли́твами твои́ми сохрани́ ве́рою блажа́ция тя.

Мо́щи твоя́ благода́тию Бо́жиею/ слепы́м прозре́ние источа́ют/ и подаю́т исцеле́ние всем, приходя́щим с ве́рою/ и прося́щим посеще́ния твоего́,/ ма́ти досточу́дная Софи́е,/ гра́да Слу́цка похва́ло и всея́ земли́ Белору́ския украше́ние./ Те́мже моли́твами твои́ми// испроси́ нам ве́лию ми́лость.

Блаже́нная Софи́е богому́драя,/ предстоя́щи с небожи́тели Престо́лу Влады́ки и Го́спода,/ непреста́нно мо́лишися о нас/ и ходата́йствуеши о всех, притека́ющих к тебе́ с ве́рою и

любовію./ Тёмже, яко неусыпну молитвенницу
и тёплую заступницу, // ты почитаём вси,
предивная.

Блажённая Софіе,/ богáтно добродётельми
украсилася еси́ в жизни́ вре́менной,/
смирением, кротостию, трудолюбіем и
нестяжательностию./ Тёмже, яко исполнену
бывшу на землі/ великих дарованій Божіих, //
ублажаём ты вси, предивная.

О блажённая праведная Софіе!/ От юных лет
сосуд избранный яви́ ты Господь,/ стоянием в
вѣре правосла́вней,/ терпением, молитвою,
милостынею,/ чистотою душевною и телесною./
Тёмже Небесному Царю́ и Влады́це всех угодила
еси́,/ Емуже ны́не моли́ся // даровати́ нам мир и
вѣлию́ милость.

Всяк язык да подви́жится/ к благохвалению́
пресла́вныя ма́тере на́шей Софіи:/ юноши же и
де́вы, супру́ги и вдови́цы,/ Христо́ву уго́дницу и
праведницу похвала́ми велича́им,/ ревно́стно бо
потруди́вшись/ и сла́бость же́нскую отве́ргши,/
милостынею и храмосда́нием/ благоле́пие землі́
Слу́цкия умно́жила е́сть./ И, пресвѣ́тлым
Небесным венце́м украси́вшись,/ про́сит у

Христа́ Бо́га/ Це́ркви единомы́слие и ми́рови мир, // и ду́шам на́шим ве́лию ми́лость.

Сла́ва, глас то́йже:

Боле́зни терпе́ящи,/ прия́ла еси́ благода́ть/
неду́ги душе́вныя и теле́сныя исцеля́ти,/ ма́ти
честна́я Софи́е,/ и ду́хи нечи́стыя моли́твами
прогоня́ти,/ всем же скорбя́щим пред Бо́гом
предста́тельствovati. // Сего́ ра́ди испроси́
исцелё́ния нам и ве́лия ми́лости.

И ны́не, Богоро́дичен: Царь Небе́сный:

Вход. Прокі́мен дне. И чтё́ния три́.

Премудро́сти Соломо́новы чтё́ние (глава́ 3):

Праведных ду́ши в руце́ Бо́жией,/ и не
прико́снется их му́ка./ Непщевáни бы́ша во
очесе́х безумных умре́ти,/ и вмени́ся озлобле́ние
исхо́д их./ И е́же от нас шест́вие – сокруше́ние,
они́ же суть в ми́ре./ И́бо пред лицём
челове́ческим, а́ще и му́ку прииму́т,/ упова́ние
их безсме́ртія испо́лнено./ И вма́ле нака́зани
бы́вше, вели́кими благоде́тельствовани бу́дут,
я́ко Бог иску́си я и обре́те их досто́йны Себе́./
Я́ко зláто в горни́ле, иску́си их/ и, я́ко всепло́дие
же́ртвенное, прия́т я./ И во вре́мя посещё́ния их
возсия́ют/ и, я́ко и́скры по сте́блию, потеку́т./

Судят языком и обладают людьми, / и воцарится
Господь в них во веки. / Надеющиеся Нань
разумеют истину / и вернии в любви пребудут
Ему, / яко благодать и милость в преподобных
Его / и посещение во избранных Его.

Премудрости Соломоновы чтение (главы 5 и 6):

Праведницы во веки живут, и в Господе мзда
их, / и попечение их у Вышняго. / Сего ради
приимут Царствие благолепия / и венец доброты
от руки Господни, / зане десницею покрывает я и
мышцею защитит их. / Приимет всеоружие
рвение Свое / и вооружит тварь в месть врагом. /
Облечется в броня правды / и возложит шлем,
суд нелицемерен. / Приимет щит непобедимый,
преподобие. / Поострит же напрасный гнев во
оружие; / споборет же с ним мир на безумных. /
Пойдут праволучныя стрелы молниины / и, яко
от благокругла лука облаков, на намерение
полетят. / И от каменометныя ярости исполнь
падут грады, / вознегодует на них вода
морская, / реки же потопят я нагло. / Спротив
станет им дух силы / и, яко вихор, развеет их, / и
опустошит всю землю беззаконие, / и злодейство
превратит престолы сильных. / Слышите убо,

ца́рие, и разуме́йте,/ навы́кните, суди́и ко́нцев
земли́./ Внуши́те, держа́щие мно́жества/ и
гордя́щиеся о наро́дах язы́ков,/ я́ко дана́ есть от
Го́спода держа́ва вам/ и си́ла от Вы́шняго.

Премудро́сти Соломо́новы чтéние (глава́ 4):

Праведник, а́ще пости́гнет сконча́тися, в
поко́и бу́дет./ Ста́рость бо честна́ не
многолéтна,/ ниже́ в числé лет исчита́ется./
Седи́на же есть му́дрость челове́ком,/ и во́зраст
ста́рости жити́е нескве́рное./ Благоуго́ден Бо́гу
быв, возлю́блен бысть,/ и живы́й посреде́
гре́шник предста́влен бысть./ Восхище́н бысть, да
не зло́ба измени́т ра́зума его́,/ или́ лeсть
прельсти́т ду́шу его́./ Рачéние бо зло́бы
помрача́ет до́брая,/ и парéние по́хоти пременя́ет
ум незло́бив./ Сконча́вся вма́ле, испо́лни лéта
до́лга./ Уго́дна бо бе Го́сподеви ду́ша его́,/ сего́
ра́ди потща́ся от среды́ лука́вствия./ Лю́дие же
ви́девшие и не разуме́вшие,/ ниже́ поло́жше в
помышлéнии таково́е./ Я́ко благода́ть и ми́лость
в преподо́бных Его́,/ и посещéние во избра́нных
Его́.

На литіи стихіра, глас 8:

Достохва́льная и блаже́нная Софіе, / честно́го
ко́рене порождéние свято, / премудрости
соимéнна еси́, / благими́ дéлы украси́лася еси́, /
ми́лостынями, чистото́ю и правдо́ю / сосúд
Свята́го Ду́ха была́ еси́. / Имже́ де́йствуеши
пресла́вная чудеса́, / véрою приходя́щим к ра́це
моще́й твои́х, // и мо́лишися о душа́х на́ших.

Сла́ва, и ны́не, Богоро́дичен, глас 5: Храм и
дверь еси́:

На стихо́вне стихіры, глас 1:

Сла́вы отце́в вои́стину возжела́вши, / véру
правосла́вную возлюби́ла еси́, / те́мже
отсту́пльши нечестивых, / жити́ем твои́м Бо́гу
усе́рдно послужи́ла еси́, / Софіе богому́драя, / и
ны́не на Небесе́х прие́млеши мзду, // со Хри́стом
ца́рствующи.

Стих: Честна́ пред Го́сподем // смерть
преподобных Его́.

В пристáнище Божéственное устремивши́ся, /
прешла́ еси́ во́лны мирски́х мятéжей: / и души́
своея́ кора́бль, всечестна́я, // невредимъ от
потоплéния грехо́внаго сохрани́ла еси́.

Стих: Дивен Бог во святых Своих, // Бог Израилев.

Рака мощей твоих, блаженная княгине Софии, / якоже сокровище честное явися, / юже обстояще, / исцеление недугом нашим // молитвами твоими приемлем.

Слава, глас 6:

Воссия днесь солнца светлейше, / священное твое торжество, Софии праведная, / земли Слуцкия похвало, / сущим во тьме души озаряющее, / мрак же бесовский всегда отгоняющее, // досточудная.

И ныне, Богородичен:

Богородице, Ты еси лоза истинная, / возрастившая нам Плод живота. / Тебе молимся: молися, Владычице, / со святыми апостолы, // помиловати души наша.

Тропарь, глас 5:

Святая праведная мати Софии, / нетлением мощей и чудес сиянием почти ты Бог; / и мы, поминающе твое праведное житие, / молим тя испросити / телесем нашим здравие // и душам спасение.

Сла́ва, и ны́не, Богоро́дичен: Ра́дуйся, двéре
Госпо́дня непроходи́мая:

НА УТРЕНИ

На Бог Госпо́дь: тропа́рь то́йже.

По 1-м стихосло́вии седа́лен, глас 5:

Му́жески по́двиги возде́ржа́нием
пре́терпе́вши, / низложи́ла еси́ многоко́зненнаго /
и, в терпéнии по́живши благоче́стно, /
пра́ведная Софи́е княги́не Слу́цкая, / ны́не
прешла́ еси́ к Бо́гу, / моля́щися о соверша́ющих
свяще́нное твоё торже́ство. Два́жды.

Сла́ва, и ны́не, Богоро́дичен:

Всенепо́рочная ма́ти, возсия́й ми пока́яния
лучу́ / и, разори́вши мрак безме́рных мои́х зол, /
лука́выя отжени́, Де́во, по́мыслы се́рдца моего́.

По 2-м стихосло́вии седа́лен, глас 2:

Се ра́ка даро́в благода́тных, се исто́чник
целе́бный, / святы́я показáшася мо́щи, / те́мже
прииди́те, ве́рнии, усéрдно почерпне́м ны́не: /
боля́щии – исцеле́ния, и и́же во ско́рбех –
ра́дости. / Молитва́ми блаже́нныя Софи́и

Слу́цкія,/ Го́споди, Це́рковь на́шу неруши́му
сохрани́.

Сла́ва, и ны́не: Преблагослове́нна еси́:

Велича́ние:

Велича́ем тя,/ свята́я пра́ведная княги́не
Софи́е,/ и чтим святу́ю па́мять твою́,/ ты бо
мо́лиши за нас// Христа́ Бо́га на́шего.

Псалом избранный:

Терпя́ потерпе́х Го́спода, и внят ми, и услы́ша
моли́тву мою́.

Поста́ви на ка́мени но́зе мой, и испра́ви
стопа́ мои́.

По полиеле́и седа́лен, глас 8:

Предызбра́нная от Бо́га, пра́ведная Софи́е,/
ко приста́нищу жи́зни наставля́ема,/ жити́я
бу́рю претекла́ еси́./ И ны́не со А́нгелы
песносло́вящи Изба́вителя,/ моли́ непреста́нно о
нас,/ я́ко да благода́ть и ми́лость обря́щем у
Христа́, Бо́га на́шего. Два́жды.

Сла́ва, и ны́не, Богоро́дичен:

Ра́дуйся, А́нгелом ра́дость ми́ра прие́мшая./
Ра́дуйся, ро́ждшая Творца́ Твоего́ и Го́спода./
Ра́дуйся, сподо́бльшаяся бы́ти Ма́ти Бо́жия.

Степѣнна, 1-й антифѣн 4-го гласа. Прокімен,
глас 4: Дивен Бог во святыхъ своихъ, // Бог
Израилев. Стих: В церквахъ благословите Бога,
Господа от источникъ Израилевыхъ.

Евангелие от Матфея, зачало 104.

По 50-м псалмѣ стихира, глас 6:

Воссия днесь солнца светлейше, / священное
твое торжество, Софие праведная, / земли
Слущия похвало, / сущимъ во тьме души
озаряющее, / мракъ же бесовский всегда
отгоняющее, // досточудная.

Канон, глас 8.

Песнь 1

Ирмос: Колесницегонителя фараоня погрузи /
чудотвори иногда / Моисейский жезл,
крестообразно поразив / и разделив море: /
Израиля же беглеца, пешеходца спасе, // песнь
Богви воспевающа.

Страстными бурями всюду погружаему, и
помышлении греховными колеблему, / ко
пристанищу тихому Христовыхъ заповедей,
молитвами твоими, праведная Софие, мя
направи, / да достойно тя воспою.

Божественными добротами просвещена,
богоблаженная Софие,/ Слово Превечному
уневестила еси, поживши богоугодно,/ и Того
живоносным стопам последовала еси, веру
православную житием твоим утверждаючи.

Божественных отец наказанию последовала
еси, славная Софие,/ и сих нраву чисте
поревновала еси, по закону Божию праведно
поживши,/ добрыми делы Богу угодивши,
богомудрая, и истинным смирением.

Богородичен: Божественную стамну и
трапезу, Хлеб животный понесшую,/
неделанную ниву, гору святую, Богородицу Деву
песнями прославим.

Песнь 3

Ирмос: Небеснаго круга Верхотворче
Господи,/ и Церкви Зиждителю,/ Ты мене
утверди в любви Твоей,/ желаний краю, верных
утверждение, // Едине Человеколюбче.

В Небесныя чертоги светозарныя
вселившись,/ исцеления нам реки источаеши,
премудрая Софие, страстная течения
изсушаючи.

Украсілася есі желаніем крайним, желаяючи Христа,/ премножеством благосердія плотию обнищавшаго,/ и последовала есі животным Его словесем, житейская вся красная возненавидевши.

Позлащенне криле добродетели стяжавши,/ на высоту Небесную возлетела еси, блаженная Софие, яко голубица непорочная.

Богородичен: Род человеческий спасеся, Всенепорочная, всеславным Рождеством Твоим:/ темже чтим Тя, и благочестно ублажаем, Пречистая Дево Богорадованная.

Седален, глас 4:

Добротами божественными преукрашена/ и нетлением святых мощей твоих от Бога прославлена, праведная Софие,/ к Нему в нетленный чертог вошла еси,/ идеже молишися непрестанно спастися от всякия беды любовью твоя почитающим.

Слава, и ныне, Богородичен:

Чистая, Всенепорочная и Неискусобрачная Дево,/ едина Безлетное Слово Божие в лето рождающая:/ Того со святыми и честными апостолы, мученики и пророки, и

преподобными / моли даровати нам очищение и велию милость.

Песнь 4

Ирмос: Услышах Господи, / смотрения Твоего таинство: / разумех дела Твоя, // и прославих Твое Божество.

Светлое твое торжество, светом Духа Божия сияющее, / озаряет души наша, верою поющих ты, Софии праведная.

Чудесы божественными уверила еси неведущих Владыку Христа, / и к познанию Того обратила еси прелести тьму оставльших.

Дары Христу принесла еси, молитвы и труды воздержания: / сего ради прияла еси Небесное Царство, Софии, и вечное наслаждение.

Богородичен: Смиривши спаси мя, высокоумрием живущаго, / рождающая Вознесшаго смирившееся естество наше, Пречистая.

Песнь 5

Ирмос: Утренююще вопиём Ти, / Господи, спаси ны: / Ты бо еси Бог наш, // разве Тебе иного не вемы.

Рука́ма твои́ма преподо́бно воздви́заемы́ма к
Зижди́телю,/ ма́ти Софи́е, вра́жия шата́ния
низложи́ла еси́.

Удержав́ ру́ку твою́ десну́ю Вы́шний,/
наста́вил тя е́сть, ма́ти, к Небе́сному
наслажде́нию.

Стезю́ тесну́ю проше́дши в жити́и твоём,/ к
широтé приспе́ла еси́ райстей, Софи́е
всечестна́я.

Богоро́дичен: И́же Богоро́дицу Тя неведе́ущи,
Богома́ти,/ Све́та не и́мут ви́дети Ро́ждшагося
из Тебе́, Пречи́стая.

Песнь 6

Ирмо́с: Ри́зу мне пода́ждь све́тлу,/ одея́йся
све́том я́ко ри́зою,// многоми́лостиве Христе́
Бо́же наш.

Умертви́вши двиза́ния плотска́я, над
страстьми́ вельми́ воцари́лася еси́,/ и ны́не,
всечи́стая Софи́е, в безстра́стных живёши
све́лостех.

Образу́ Спа́сову навы́кла еси́ покланя́тися,
сла́вная,/ де́лы и словесы́ твои́ми спаси́тельная
Его́ соблюда́ющи уче́ния.

Облак ты Христос показа, матери Софии, /
дождь источающий животный верою
притекающим к тебе, преславная.

Богородичен: Красен паче всех человек Сын
Твой, Пречистая, доброту Божества, / аще и
плоть бысть нас ради.

Кондак, глас 4:

Приидите, вся русския жены, / святую Софию
восхвалим, / уподобившуюся мудрым девам, /
елей благодати Духа Святаго стяжавшим; /
темже умудри ю Господь / подвизатися во
утверждение святыя православныя веры / и
соблюдати Церковь Его / незыблему от ересей и
расколов, / сего ради благодарне воспойм ей: /
радуйся, града Слуцка и всея земли нашея //
радосте и утверждение.

Икос:

Струи мне слова даждь, Боже мой, и
источник благочиния сотвори мой ум, / и
благослови язык мой, да воспую угодницу Твою
Софию богомудрую, / юже венчал еси благодатию
Твоею: / аще бо Сам не даси ми слова
достойнаго, / како принесу дар, нищий сый, /
темже подаждь ми силу, исповедати ея

пóдвиги,/ крѣпко бо звѣри мѣсленныя победѣла
есть./ Молѣтвами ея, Спасе, утверди и моя
помышлѣния.

Песнь 7

Ирмос: О́троцы еврейсти́и в пещи́/ попра́ша
пла́мень дерзнове́нно,/ и на ро́су огонь
преложи́ша, вопи́юще:// благослове́н еси́,
Го́споди Бо́же, во ве́ки.

О доброте тлеющей, Софіе блаженна́я, zde
небрегла́ еси́,/ сматрѣющи́ тамо́ су́щяя
воздая́ннѣя и свет,/ и сла́ву Бо́жию
нестаре́ющуюся и красоту́, и Боже́ственное
селѣние.

Разум боголюбив стѣжала еси́, Софіе,/ и, во
плóти су́щи, Ангелом уподóбилася еси́, бдя́щи
бóдренне и любóвию пою́щи:/ благослове́н еси́,
Го́споди Бо́же, во ве́ки.

Богородичен: Виждь скорбь мою́, Дѣво, ю́же
ми наведе́ мно́жество зол моих́,/ и родства́
огненнаго исхити́ мя, вопи́ющаго:/ благослове́н
еси́, Го́споди Бо́же, во ве́ки.

Песнь 8

Ирмос: Богоглаголивии отроцы в пещи / со
огнем пламень попирающе, пояху: //
благословите, дела Господня, Господа.

Украшена сиянием чистоты, и чистым
житием просвещена, / Софии Богомудрая,
предстоиши Христу Богу нашему.

Болезни различныя врачует человеков, и
отгоняет бесовския напасти / тело твое святое, в
раце преславно хранимое.

Священная жертва принеслася еси, и
приношение светлое, праведная княгине
Софии, / яко кадило благоуханное, всех Владыце
Христу Богу нашему.

Богородичен: Без исления Слово паче
словесе родила еси, / тления всякаго нас
избавляющее: / сего ради Тя, Дево, верою
величаем.

Песнь 9

Ирмос: Устрашися всяк слух / неизреченна
Божия низхождения, / яко Вышний волею
сниде даже и до плоти, / от девического чрева
быв человек. // Темже Пречистую Богородицу
вернии величаем.

Возжелела еси доброту мысленную Христо́ву,
и чисто возлюби́ла еси́ Его́./ Где почи́ваеши? где
ли пасе́ши? –/ те́пле вопия́ла еси́, – да почи́ю у
Тебе́, и в Твои́х свѣтлостех наслажду́ся,/
велича́ющи Твою́ бла́гость.

Ра́зум имела́ еси́ в твоёй души́, и смире́ние, и
боже́ственную крото́сть,/ ве́ру несумне́нну, и
наде́жду и любви́вь, я́же к Бо́гу,/ всенощными
моли́твами предста́вши Ему́,/ и Небе́сными
свѣтлостьми, блаже́нная Софи́е, озаря́ема и
просвеща́ема.

Днесь собра́шася лю́дие/ хвала́ми
возвели́чити Го́спода, возвели́чившаго твоё
свято́е торже́ство:/ в нёмже помина́й нас,
помина́ющих тя,/ предста́ющи Христу́,
пра́ведная Софи́е и всечестна́я.

Богоро́дичен: Пощади́ мя, Бо́же, рожде́йся от
Де́вы, егда́ сядеши суди́ти дела́ моя́,/ и То́я
моли́твами презри́ беззако́ния и грехи́ моя́, я́ко
Благ и Многоми́лостив.

Свети́лен:

Кня́зя утай́вшись студа́, и сего́ в
прему́дростнем о́бразе показа́ безу́мна,/ жена́
су́щи душе́ю и те́лом, возсия́ла еси́ я́ко муж

ра́зумом и ве́рою,/ ма́ти Софи́е, жен пра́ведных
украше́ние.

Сла́ва, и ны́не, Богоро́дичен:

День мне возсия́й разу́мнаго весе́лия,/ Ты бо
еси́, Чи́стая, свет и живо́т, су́щих во тьме:/ вся
бо, а́ще хо́щеша, твори́ти мо́жеша, я́ко су́щи
всех Влады́чица.

На хвалі́тех стихі́ры, глас 4:

Свяще́нное жили́ще Бо́гу/ воздви́гла еси́,
бы́вши храм Свята́го Ду́ха,/ всему́драя,
чистото́ю душе́вною,/ и путево́дила еси́ ду́ши к
Ца́рствию Небе́сному,/ и принесла́ еси́ сия́,
я́коже дар Христу́, // о Софи́е пресла́вная.

Отрокови́цы возлю́биша Неве́стника и
Го́спода,/ уче́нию тво́ему покаря́ющияся,/ и
плотску́ю презре́вше сла́бость,/ усер́дием
благоче́стно стра́сти победи́ша,/ и введо́шася с
тобо́ю, о Софи́е,/ в черто́г Небе́сный и
Боже́ственный, // всегда́ весе́лящася.

Ми́лость имела́ еси́ ве́лию к бе́дствующим,/
любо́вь же и́стинную к Бо́гу,/ сего́ ра́ди
благода́ть Христо́ва/ в тебе́, ма́ти, почи́ла естъ,/
те́мже тво́ими моли́твами// сохрани́ ве́рою
блажа́щия тя.

Ра́ка твоя́ честна́я, / в не́йже почи́аеши
моща́ми ны́не, / исто́ча́ет все́м исце́ление, /
ве́рою притека́ющим к тебе́, / ма́ти честна́я и
досточу́дная. / Те́мже твои́ми моли́твами //
спаса́й нас, пою́щих тя.

Сла́ва, глас 8:

О, пресла́внаго чуде́се! / Усе́рдно себе́ Бо́гу
предала́ еси́, / ни́ву се́рдца твоего́ очи́стивши / от
те́рния душевредных страсте́й, / за́поведи
Бо́жия испо́лнила еси́, / и Творца́ ми́лостынею
уми́лостивила еси́, / сего́ ра́ди сугу́бое
воздая́ние / от Бо́га получи́ла еси́, / Софи́е,
княги́не богоблаже́нная, / моли́ Христа́ Бо́га //
дарова́ти нам ве́лию ми́лость.

И ны́не, Богоро́дичен:

Арха́нгела Гаврии́ла глас восприи́мше, рцем: /
ра́дуйся, ма́ти Бо́жия, // я́же Жизнода́вца
Христа́ ми́ру ро́ждши.

НА ЛИТУРГИИ

Блаже́нны от канона́, пе́сни 3-я и 6-я.
Проки́мен, глас 4: Дивен Бог во святы́х Свои́х, //
Бог Изра́илев. Стих: В це́рквах благослови́те

Бо́га, Го́спода от исто́чник Изра́илевых. Апóстол к Галáтом, зачáло 208. Аллилу́ия, глас 1: Спасéние прáведных от Го́спода, и Защи́титель их есть во вре́мя скóрби. Ева́нгелие от Ма́рка, зачáло 21. Прича́стен: Ра́дуйтесь, прáведнии, о Го́споде:

**Утверждена Священным Синодом
Русской Православной Церкви
25.12.2013 (журнал № 146).**

